

職方典第八百九卷

池州府部彙考五

池州府物產考

府志

穀屬

秔稻

糯稻

麥

豆

蕎麥

粟

稌

稷

蔬屬

青菜

白菜

芥菜

莧菜

葱

蘿蔔

韭

薤

蒜

苦菜

笋

蕨

萁蒿

馬蘭

蘆筍

花屬

梅

桃

山礬

梔子

海棠

牡丹

芍藥

紫薇

紫荊

繡毬

蘭

蕙

菊

蓮

玉簪

果屬

杏

李

梅

桃

梨

栗

柿

棗

銀杏

石榴

蓮房

榧子

菱

鷄頭子

木屬

椿

松

栢

桐

榆

桂

杉

槐

楓

檀

柳

楊

冬青

羽屬

鵝

鴨

鷄

烏

鴈

燕

鷹

鸞鷟

鸛鵒

杜鵑

獸屬

馬
牛
騾
驢
猪
羊
虎

麋
鹿
麀
兔

鱗屬

魚時
魚虛
魚厥
魚回
魚青
魚皇
魚尋

麥魚
鱈

貨屬

茶青陽石埭建德產貴池亦有之
木綿花貴池銅陵東流產
綿布
紙貴池石埭

銅陵建德產
土紅銅陵杏山產
柴
炭貴池青陽石埭建德產
薑銅陵產

漆銅陵建德產
桐油
柏油建德產

池州府古蹟考

府志

本府 貴池縣附郭

石城在城西七十里漢置縣以東西兩石山夾河如城今鐵店倉埠潭是其故地 虎林城

在今城西六十里舊志謂在石城東一十五里者誤孫權封子休爲瑯琊王鎮虎林城卽此

臨城故縣在青陽境吳置隋唐故石城轄 南太原郡城在城西七十里亦石城地梁大同

間置隋廢又有太原城在建德縣 秋浦廢縣城在石城間 安慶故府宋端平三年移

治于今貴池羅剎洲 桐城故縣近李陽河宋末置尋遷 梅根冶吳置久廢 狀元

里在通達橋南石獅子巷口以宋華岳名 孜業里在孝二保宋時立 製錦里在郭西

街口宋時立 雙江門唐時土城門名 桑柞門暹時土城門名 試門南宋時初立

貢院地俗名市門口 貢院宋紹興初池州設科試於景德寺淳熙戊申提舉周必正創建

貢院於市中心街稱試門東植八桂題曰八桂書院尙書程大昌爲記嘉定癸卯知郡李駿移建

秀山門湖山時貢額三歲大比應舉之士餘二千人上春官者六經六人詞賦二人宋季罷試

今社壇其遺址 昭明釣臺有二一在池口鎮山一在秋浦郎山 杏花村在城西里許

有古石井圈刻黃公清泉四字今不存卽唐杜牧詩云牧童遙指杏花村處今邑人卽遂輯有

杏花村志考記甚詳 蕭相樓在城東南隅唐大曆間刺史蕭復建復有惠政民追思之因

以名樓 舊秋浦樓在城東宋紹定戊子郡守趙范增築石刻東坡詞山谷字千壁宋末廢

景蕭樓明萬曆間柳林巷居人李春達於其屋後掘得斷碑有景蕭樓上梁文係宋狀元陳舜

俞撰疑樓址卽在得碑處 文選閣在西廂貯梁昭明文選今遺址存 史家塔在府治

北 秋浦亭在城西秀山門外 舊九峯樓唐刺史李方元建按杜牧李使君墓志云樓

在城東南隅今九華樓或卽其故址耶 九華精舍在府學明倫堂東隅宋郡守王伯大端

平乙未建 弄水亭在府治通遠門外舊橋之西杜牧取李白欲弄水中月之句意也陳舜

俞詩曰未試貴池好嘗聞弄水亭 貴池亭在池口黃龍山 翠光亭在池口瀕江有岳

飛石刻詩今不知所在 卸帆亭在池口瀕江宋聶冠卿有詩 清溪亭在清溪曹緯有

詩蘇軾有詞王安國有記 南亭或云在齊山杜牧有詩 清溪館劉長卿有詩 陳

半州宅在秋浦靈田半州南渡時人富半池州故名其產各以號編今貴池之佛田唐田菜田

賴田玉田皆其莊也其行樂處標爲四景曰金燈曉亮玉鏡夜明昆池晚釣和龍畫奕後以奢

僭誅今遺跡猶存云 花園有二一鎮江門內元萬戶曲律不花遊意之所其一在西祠之

後世傳梁太子遊翫之處今廢

楊梅坦在城西九十里石嶺多楊梅唐有楊梅館宋改爲

楊梅驛今廢

青陽縣

陵陽廢縣在縣南六十里今廢爲鎮

臨城廢縣在縣南五里吳赤烏中置隋廢

木瓜

山在木瓜鋪今尚有廟杜牧求雨處

白鶴臺在縣東南保寧觀相傳白鶴仙煉丹處

釣魚臺在九華山嘉魚池上相傳寶子明李化文垂釣處

葛稚川煉丹井在九華山北

銅陵縣

義安廢縣在縣東三十里今順安鎮其故址也

湖城在縣東六十里相傳有神號湖王一

夕壘土而成凡八所去二里不相聯屬其址尙存

利國監在縣南南唐治監收銅後廢

鐵船頭相傳晉靈祐王乘鐵舟至五松山左見人逐溺於水止露船頭浮於水面若生鐵然有

修官山廟者鑿鐵爲釘入爐果鎔

丹壙在杏山葛仙翁種杏煉丹處也山有土硃世以爲

丹壙

順安樓在順安鎮今廢

陳公園內有二池宋蘇子瞻黃魯直曾遊於此

葉

公園在葉山下王荆公遊其園戲葉云週迴莫有千株葉葉隨答曰裨補能堪百箇蠶邑人相傳爲故事 曹韓洲在縣西大江之中相傳水涸之際視其沙嘴圓圓湧出則次年必有登

第者羅隱云曹韓沙嘴圓銅陵出狀元

富覽亭在天王山畔宋邑令張孝章建今廢

寶勝亭在縣治一里許慶元間縣丞洪恩建

六百丈在縣南二十里相傳郡人樊若水於

此量江闊六百丈遂名

石埭縣

石埭廢縣在七里街去縣西一百四十里

猷州城在縣東北二里袤數百丈相傳猷州總

管左難當嘗守其地

澁溪在陵陽山下漢寶子明坐踞蟠石漁釣於此策竹爲馬浮游水

中獲白魚鱗鬣異常剖之得丹書教其服食之法至今有石出於水中其立馬坐釣之跡若鑱

鑿者

白鶴墩

黃鶴池俱在陵陽山麓平田中寶子明昇仙所也

仙壇在陵陽山

中峯之半寶子明昇僊之所也

潔己臺在碧瀾亭上取澡雪自新之義

丹臺在陵陽

山中峯之半高二百餘丈寶子明煉丹於此

丹井在陵陽山中峯之半清泉一窟水旱無

盈涸味極甘冽寶子明煉丹所也

三墩九曲在縣後墩凡三高大而圓以應三台其水縈

街九曲每曲各有石橋以應九曜相傳郭璞遷縣以午火炎盛於是開九曲水及城壕後溪三水以制之今跡見存

定城石在縣前街心方二尺長一丈二尺相傳郭璞遷縣立此石以

主之也

轆轤石在舊儒學碧瀾亭上激水旋轉有聲則爲賢士科名之兆後以流沙壅沒

明嘉靖間知縣徐之麟得其說爲文以祭果驗

建德縣

壽字崖在玉峯山半旁書大漢元封元年奉詔書於崇嵩石壁係漢武帝登嵩羣臣應詔所作
宋進士邑人嚴華摹勒於此筆力甚遒勁並峙有福字崖今燬

永豐監在永豐鎮宋置鑄

錢處

賣花樓在縣南半里餘唐及五代時傳有花樓二十四間土人善剪繡作花簇丹陽

潯陽鄱陽諸郡置酒會多至此市花故諺云江南茶飯建德先知近樓名胭脂巷亦舊管絃地
今悉爲草萊檀京兆墓封於廢址之後

藏春洞卽迎春洞石刻三大字相傳葛稚川手書

桃源在縣南四十里水源深邃人跡罕到五季時人多避亂於此

隱山寺區係梁昭明太

子手書

雲峯寺額係宋紹興五年御書

普門嶺三字在梅山朱晦庵訪志南至此手

書勒石

韓少師坊在一都姚村宋韓世忠曾經過此民因立坊表之

狄梁公行館在

東保坂有五墩十二井或云爲彭澤令時所置

堯廟在堯城街宋范張二公俱有詩後人

莫考建廟之由廢址尙存

茹蘭亭在玉峯山下元令王晉卿建舊廢

朝峯亭在縣治

後山舊廢

詠歸亭在學宮前元令王晉卿建舊廢

梅山四亭一期雲二漱碧三空翠

四熟梅在松關宋建舊廢

留春亭在梅山普門嶺原名淨身元令吳師道視旱寓此改名

留春大書扁之後復刻楊次公留春詩懸於上元末盡廢

東流縣

菊所在縣治後晉彭澤令陶淵明嘗種菊於此故縣曰菊邑江曰菊江東流舊屬彭澤

白

雲仙蹟卽白雲山其上有仙人掌

鹿跡石在縣東六十里相傳葛洪跨白鹿飛昇處

黃花驛在縣治北亦以淵明種菊之地故名

墳墓附

本府 貴池縣附郭

漢逸民高獲墓在北門外清風亭側明正德戊寅知府何紹正重鑿之書石表識又城西南六十里之新河有高獲廟或云其墓與廟相近今未知孰是 晉安州司馬檀念之墓在興孝

鄉檀村

宋安成郡丞檀珪墓在興孝鄉檀村

梁昭明太子冕服陵在秀山明劉廷鑾

有秀山陵廟碑

唐右史崇賢直學士胡楚賓墓在仁四保杉塢坑

進士康駢墓在黃

老山之東

羅鄴墓梅根浦上流之岸有塚累累相傳爲鄴墓

五代吳學士殷文圭墓

在府治東南四十里殷村石碣磨滅止存一字不在其墓而在殷氏籬落間殷以左牛轉學士也 石八郎墓不知其處 宋黃太尉塚相傳在相公墩今不可考 學士楊輔臣

墓在城西南楊村之紅硃嶺

學士檀遠墓在興孝鄉檀村

侍郎楊和武墓在城西南

楊村馬鞍山

大理評事吳六一墓在大剡坑之檀下壇石製樽櫨楣節人物卉葉與今塚

殊

知六安軍程端中墓不知其處

太保湯允恭墓在山川壇北舊有小石碣

處

士李茂信墓在源頭吳村

葉梓墓宋葉適撰墓志銘

葉權墓在長壽鄉清名山宋葉

適撰墓志銘

陳璣墓在留田宋程瑛撰墓志銘

胡仲先墓在西溪宋張夢錫撰墓碑

銘

殿前司華岳墓在齊山山北之原

胡致功墓在西谿宋計畧撰墓志銘

教諭

李珍墓在源頭吳村

通判趙昂發贈華文閣待制諡文節妻雍氏贈順義夫人墓在碎石

嶺去城東七里其墓道碑坊在齊山山川壇南同知詹萊畫圖墓山界址給守祠如秀仍勒石

元博士檀預順墓在興孝鄉檀村大德十一年桐鄉朱天錫撰墓志銘

進士李南翁墓在

竹力阮

理問郎禮卿墓在杏花村

明夏國公顧成祖墓在受二保顧氏雖徙江都其

後人鎮遠侯顧溥猶來致祭明三百年間樵采芻牧無敢犯者崇禎末季爲附近居民盜葬近

穴故塚猶存

太子中允李賢墓在杏花村妻翁氏葬平管瑤

侍郎汪珊墓在城東五

溪山嘉靖二十二年朝命本府知府曾仲魁致祭

知府陳鐵墓在城西杜塢耀龍山

青陽縣

唐拾遺費冠卿墓在縣一都早麓山

處士李昭象墓在縣南同山仙人峯下

南唐青

陽公宋齊丘墓在縣東牛心山下

宋知州滕子京墓在縣東金龜原

封開國公程九

萬墓在九華山下福海寺

許公墓在縣西南協濟祠之北公高陽人宋神宗朝任青陽令

建高陽橋後卒於官家人載櫬回至童阜逆風送舟至橋下因葬於此碑舊刻唐青陽令誤

處士陳巖墓在縣西雲鶴山麓

明少卿徐謙墓在峽山南

僉事陳輕墓在縣北五里

許

僉事吳淵墓在縣南九子峯東鳳凰嶺

京兆施篤臣墓在三井山

京兆施堯

臣墓

副使柯喬墓

布政王一禎墓在銅陵縣城山

銅陵縣

明都御史胡本惠墓在縣南六里銅精山成化十八年朝命工部進士劉煥監造有學士謝一

夔神道碑

僉事陳孟晟墓在羊山

余少卿墓在羊山

通政余可才墓在響山有

祭酒陳敬宗墓表

郎中余傑墓在縣南五松山

鍾鏜墓在朱村蒼城山之陽

廉

使潘伯庸墓在縣南江村間

教諭陸觀墓金華人任銅陵教諭卒葬天王山

贈太僕

寺卿余毅忠墓在縣南十里竹園山有光祿寺卿劉孟雷誌

石埭縣

殷彭祖錢鏗墓在縣北十五里飛渡橋西

唐張果墓與彭祖墓相對

宋學士王鑑墓

在縣西城子山初葬陵陽山紹興二十一年改葬於此題曰顯祐墓

恭愍丁黼墓在金城

山

孫茂恭墓在縣東華村

丁孝子墓在縣西圖經云孝子丁旰也

縣尉桂大受

墓在蛾山

明副使李廷璋墓在縣南石坦

僉事張輝墓在縣西桂家坦

贈尙書

畢貴畢永高墓俱在縣後冬青園內

尙書諡恭介畢鏘墓諭葬縣北陵陽山中峯頂

郎中湯希閔墓在縣西金堂冲

建德縣

唐至德令周繇處士周繁墓在紙坑山老林上子孫世居此

宋韓

麟二

墓在白菓冲口有

石碑類蘇長公書法詩云山頭石有千年潤海眼泉無一日乾天下蒼生望霖雨不知龍在此

中蟠今爲堯封墓山

尙書度支郎李植墓在縣東陽烏山

待制檀倬墓諭葬在縣南

步頭村內鼇鵬坂龍泉寺側

明訓導洪仲遵墓在河西坂劉師塘

僉事洪本昌墓在

縣北石印山

按察使柯暹墓在縣北雙河口靈華山

參政鄭景曜墓在縣南

府

丞檀凱墓諭葬在縣西陽田山

知縣江通墓在玉山左

僉事陳謨墓在縣北象山

僉事葉應麟墓在縣南岸坂

都御史徐紳墓在遶山鋪

侍郎李一元墓在陶湖山

副使李一中墓在陶山

賜武進士神樞營參將檀武臣墓在步頭前山

進士檀之堅

同妻高氏節婦墓在縣步頭山

誥贈大學士孔聞勅墓

誥贈少保尙書鄧國光墓在

四都山禾城

大學士孔貞運墓在勾曲先在縣列疊山

尙書員外郎柯巖知州柯鑒

祖孫合墓在黃冲

知府鄧三謨墓在四都山

東流縣

明御史宋邦輔墓在縣宋家嘴

布政王應乾墓在縣香山

池州府部藝文一

池州到任謝表

宋王十朋

失職中司黜官小郡尙分符竹初見吏民咎大罰輕感深涕隕伏念臣起身寒苦積學淺疏自甘窮老於布韋孰謂冒榮於軒冕粵從冗散親被簡知璧水道山提攜羣彥綸垣瑣闥接武近班皆席上

待問之珍非桂後惠文之用忽蒙宸筆俾總臺綱義不苟辭輒奮蜉蝣之力志慙無勇亟聞鷹隼之
呼矧惟聖主之難遭亦恃孤忠之可察封章上達遂忘白簡之猜嫌負罪左遷猶得朱幡之賁飾涵
容厚矣報稱缺然伏遇陛下湛恩龐洪垂聽寬裕執用賞用刑之要權使功使過之宜是致辱庸未
從違斥臣敢不布宣德意撫養編氓影落江湖踴躍自憐於去國夢追鸛鷺區區常念於愛君必誓
靡捐仰酬覆轡

廣利橋記

柯詠

杜預晉之良弼也嘗建橋於富平之津以免行人覆沒之患當時且曰非預則此橋安得而成崔亮
魏之賢佐也常建橋於雍城之北以免行人艱阻之憂至今猶具名之曰崔公橋焉嗚呼崔杜二公
皆英雋也豈止一橋云云雖然臨溪而嘆無疾足阻水而恨無飛翼俛俛乎其將何之乎吁當是之
時惟橋也可以免其病歟以是知杜崔之用心蓋有所在也歐陽氏世爲堯城之甲族衣冠之盛人
物之繁尤越前日所居之里有曰杜屋者實士大夫商賈往來衝要之所路斷而迂溪深而隘素乏
徒杠人皆病涉粵有元善衆皆推其爲歐氏之白眉也素懷長者之誠心而動有仁人之操履嘗於

紹興之癸酉率衆竭力首建歐陽之橋矣又于紹興之庚辰繼建烏龍之橋矣二橋旣成且曰惟杜
屋無橋人憚往返吾將鼎而新之不亦宜乎磚石悉備而歲忽在于龍蛇事遂寢孰不嘆乎吉人之
萎也閱時旣久有士曰茂林乃元善長孫也爲人倜儻立志不凡挺然有古賢士之風一旦歎曰吾
之祖嘗建立橋于吾之里矣二橋成而吾祖長往至今猶未有慨然繼其志者不惟行者有跋履之
勞而前人願望亦且湮鬱而未伸吾其可以已乎于是發誠意募善信卽命匠鞭之以石砌之以磚
羣工畢集煥然一新落成之日茂林乃曰杜屋之名未副其實其今橋之居其所也則近廣利王之
廟址俾四方行旅朝暮如履康莊橋之爲利不廣矣乎故當更之曰廣利焉于神則取其名于人則
取其實一舉而兩得誰曰不然俾予敘其事以記之予雖骯骯豈敢固辭夫名者實之賓也實旣
如是名亦隨之名實旣正豈不寔歟雖橋以是名固善矣橋之建立豈無陰功厚德乎予特表而出
之曰謝四時而不朽者橋也橋之不朽則歐氏之德不朽歷千古而利人者亦橋也橋之利人則歐
陽氏之德利人橋與德其又相爲名實者歟昔人有高大其門尙曰吾之子孫必有興者其後果若
符契矧是橋之成爲利甚溥又豈無必興之人乎乘長卿之車取子房之履行將見矣請拭目以俟